

Vaofisiri va Khasitomo va teka Crystal Meth eRivaleni ra Swihahampfhuka ra Misava ra OR Tambo

28 Mhawuri 2022 - Vaofisiri va Khasitomo va Vukorhokeri bya Xibalo bya Afrika-Dzonga (SARS) eRivaleni ra Swihahampfhuka ra Misava ra OR Tambo va yimisile nhundzu ya tiphelete leyi a yi rhumeriwa eAustralia. Ndzhwalo lowu a wu tivisiwile tanihi *Multi-Purpose Anti-Slip Mat* lowu endzhaku ka nkambelo wa nyama, wu kumekeke ku va wu tirhisiwile ku tumbeta *Crystal meth* leyi tikaka 785 kg leyi nga na nkoka wa le xitarateni wa R236 million.

Endzhaku ka ku humelela loku, Xiyenge xa Ndzavisiso wa Vugevenga bya Xirhangana (Hawks) xi tivisiwile mayelana na mbvumbunulo na ntekelo naswona tinhundzu ti yisiwile eka vona ku lavisisiwa ku ya emahlweni.

Khomixinara wa SARS Ttn Edward Kieswetter, u khensile vaofisiri va Khasitomo ku va va yimisile rhumelo wa swidzidziharisi. U te "Ndzi lava ku rhumela ndzemuxo wo vonaka eka mitlawu ya swigevenga leswi tirhisaka tindhawu ta hina to nghena/huma ku endla vugevenga, lebyi vaofisiri va hina va byi tivaka no tirha hi matimba swinene ku hunguta vugevenga byebyo. Ntirhisano wa xiyimo xa le henhla na tiejensi tin'wana ta nsindziso wo landzelerisa nawu eka tindhawu leti to nghena no huma wu kotisa hinkwerhu ku tirhana na xidzedze xo biha xa migingiriko leyi nga ri ki enawini".

Mayelana na vuxokoxoko byo tala u komberiwa ku tihlanganisa na SARSMedia@sars.gov.za

